

Kaki Bola

hasil karya
Zaleha Ahmad



Prakata oleh Pengerusi MLLPC



Profesor Madya Dr. Muhammad Faishal Ibrahim

*Setiausaha Parlimen Kanan
Kementerian Pendidikan dan Kementerian Pembangunan
Sosial dan Keluarga
Pengerusi, Jawatankuasa Pembelajaran dan
Penggalakan Penggunaan Bahasa Melayu (MLLPC)*

'Pelajar Aktif, Pengguna Cepak' merupakan matlamat pembelajaran Bahasa Ibunda di Singapura. Murid-murid haruslah dibekalkan dengan bahan bacaan yang kreatif untuk mendorong minat mereka terhadap pembelajaran Bahasa Ibunda. Lebih banyak bahan bacaan yang dapat mereka akses, lebih baik natijahnya.

Siri Nabil dan Nabilah telah diilhamkan pada tahun 2015 untuk murid-murid sekolah rendah khususnya bagi Darjah 1 dan 2 dengan tujuan untuk menambah jumlah bahan bacaan tempatan bahasa Melayu. Buku-buku yang dihasilkan oleh guru-guru Bahasa Melayu Singapura ini telah mendapat sambutan baik daripada kanak-kanak, ibu bapa dan juga para pendidik.

Lanjutan daripada maklum balas tersebut, Siri Nabil dan Nabilah diteruskan untuk murid-murid Darjah 3 dan 4 pula. Terdapat pembaharuan yang telah dilakukan terutama sekali daripada aspek jalan cerita dan penampilan watak-watak dalam siri tersebut agar dapat memenuhi cita rasa para pembaca yang berusia antara sembilan hingga sepuluh tahun. Selain itu, aktiviti-aktiviti susulan setelah membaca disediakan untuk membolehkan ibu bapa dan ahli keluarga terlibat sama. Aktiviti membaca bersama-sama keluarga dapat memupuk sikap-sikap positif dan berpotensi menanamkan nilai-nilai yang baik.

Guru merupakan golongan yang dekat dengan murid. Mereka mengenali minat dan citarasa murid. Oleh hal yang demikian, setiap sumbangan guru dalam penghasilan siri buku bacaan ini amat dihargai. Kepada guru-guru yang telah menyumbang dalam penulisan buku cerita ini, saya mengucapkan syabas dan ribuan terima kasih.

Besar harapan saya agar usaha ini dapat diteruskan dan lebih banyak karya dapat dihasilkan demi kemajuan dan pembangunan intelek anak-anak kita. Semoga mereka bakal menjadi pengguna bahasa ibunda yang cekap dan yakin serta berbangga akan bahasa dan budaya Melayu.

*Burung punai di pucuk rebung,
Anak kedidi terbang berempat;
Bahasa disanjung budaya dijunjung,
Majulah seni bangsa berdaulat.*

PENGHARGAAN

Para Penulis Buku Darjah 3

Zaleha Ahmad

Safidah Samsudin

Fadzilah Mohd Idris

Juliyah Yaacob

Zarina Hashim

Manisah Osman

Nazariah Nasir

Khairunnisa Mohd Isa

Haslinah Osman

Farizan Md Amin

Kaki Bola

Menang Menabung

Jangan!

Segaknya!

Wira dan Wirawati Bento

Mari Berkenalan

Tetap Berguna

Adakah Pilihan Nabilah Salah?

Jemput Makan!

Juara Cilik Wayang Kulit

Pengurusan Pembinaan Buku

Penasihat Projek

Editor

Sekretariat MLLPC

Zafilin Abdul Hamid

Zainaba Omar

Siti Fazila Ahmad

Murshidah Hassan

Nasrudin Raja Sulaiman

Nur Fa'izah Matnoor

Nur Sifa Hussin

Mislimah Misti

Kaki Bola

hasil karya
Zaleha Ahmad



Tepat pada jam 8 malam, Nabil duduk di hadapan televisyen. Dia memakai jersi bola sepak pasukan Singa XII untuk menunjukkan sokongan terhadap pasukan kegemarannya.

Cepatlah Ayah! Perlawanan sudah hampir bermula!

Isy! Sabar Nabil. Ada 30 minit lagi sebelum perlawanan dimulakan.

Ayah terkejut apabila melihat ruang tamu berselerak dengan kerja sekolah Nabil. Nabil tergopoh-gapah membuat kerja sekolahnya. Ayah hanya menggeleng-geleng.

Apakah yang Nabil buat sejak pulang dari sekolah tadi? Sekarang, bagaimanakah hendak menonton televisyen bersama Ayah?

Ayah jangan risau. Nabil akan selesaikan.


Setelah membantu ibunya di dapur, Nabilah keluar ke ruang tamu untuk menonton televisyen. Nabilah duduk bersebelahan Nabil.

Apakah yang Abang tulis ini? Tulisan Abang macam cakar ayam, Ayah!

Pergi ke sana!
Jangan ganggu Abang!

Nabil, tidak baik berkasar dengan Adik! Betul kata adik kamu itu. Nabil harus tulis dengan kemas!

Pada keesokan harinya, selepas sesi latihan bola sepak, Cikgu Amran memanggil semua pemain untuk berkumpul. Semua pemain begitu teruja kerana Cikgu Amran ingin membuat pengumuman penting.




Cikgu gembira dengan kesungguhan yang telah kamu tunjukkan semasa sesi latihan. Kamu semua harus bekerjasama untuk melakukan yang terbaik semasa perlawanan nanti. Ingat, bersatu teguh, bercerai roboh!

Nabil bangga kerana dia merupakan pemain harapan pasukannya. Sebagai kapten pasukan, dia akan memastikan pasukannya menang dalam perlawanan akhir nanti.

Ingat, kalau awak dapat bola itu nanti berikan sahaja kepada saya. Kalau hendak harapkan awak, pasti pasukan kita akan kalah nanti!

Baiklah, Kapten Nabil.

Adam kurang senang dengan perubahan sikap Nabil. Setelah menjadi kapten pasukan, Nabil semakin sombong. Ramai rakan mereka mengadu tentang sikap Nabil.



Nabil, awak tidak sepatutnya berkata begitu. Bukankah kita dalam satu pasukan?

Saya cuma mahu pasukan kita menang. Sebenarnya awak cemburu dengan kehebatan saya, bukan? Mengaku sahajalah, Adam.

Walaupun keletihan setelah sesi latihan bola sepak, Nabil melungsur Internet untuk menyaksikan rakaman aksi tendangan penalti yang dilakukan oleh Fandi Ahmad. Dia mulai leka dan berangan-angan ...



Pasti seronok kalau saya jadi seperti Fandi. Saya akan ada ramai peminat dan dapat bermain dengan pasukan luar negara. Hebat betul!

Tiba-tiba Nabil terdengar suara Nabilah di luar pintu biliknya. Nabil teringat bahawa dia telah berjanji untuk menemani Nabilah bermain di taman permainan yang terletak bersebelahan bloknya.

Abang! Cepatlah buka pintu ini. Sudah lama Adik tunggu Abang.



Abang penatlah, Adik. Abang mesti selesaikan tugas yang Cikgu beri. Jangan ganggu Abang!

Nabil melungsur Internet. Setelah itu dia beralih ke meja belajar. Dia mencapai pena untuk mencatat sesuatu. Tiba-tiba ...



Apakah yang harus saya lakukan sekarang?
Saya hendak menonton perlawanan akhir
Singa XII. Tetapi ...

Nabil risau kerana dia terlupa tentang acara keluarga yang akan diadakan pada hujung minggu nanti. Nabil pasti ayahnya tidak akan berubah fikiran.



Kalau saya tidak pergi mesti Datuk akan ...

Ayah pula pasti ...

Ibu juga ...

Apakah yang harus saya lakukan sekarang?



Pada hujung minggu itu, keluarga Nabil mahu ke rumah Datuk dan Nenek. Nabil berbaring di sofa dan mengurut-urut perutnya. Dia berpura-pura sakit. Ibunya datang ke ruang tamu dan terkejut kerana Nabil belum siap.

Nabil minta maaf, Ibu. Nabil tidak larat untuk pergi bersama Ibu. Nabil hendak berehat di rumah sahaja.

Baiklah. Nabil berehat di rumah, ya! Selepas makan malam, kami akan terus pulang.

Nabil bersorak setelah keluarganya beredar. Dia menghidupkan suis televisyen dan mula menonton siaran langsung perlawanan akhir antara pasukan Singa XII dan Vietnam.

Cepat! Lari! Lari! Tendang bola itu masuk ke gawang sekarang!




Keluarga Nabil sudah bersiap sedia untuk berangkat berjumpa datuk dan neneknya. Tiba-tiba, ayahnya berasa tidak sedap hati.

Saya ingin periksa sama ada Nabil masih demam. Jika demamnya semakin tinggi, kita bawa Nabil ke klinik dahulu.

Baiklah. Kami tunggu di sini.

Nabil panik apabila terdengar pintu rumah terbuka. Dia cuba untuk perlahan-bunikan bunyi televisyen dengan alat kawalan jauh. Sebelum sempat dia melakukan apa-apa, ayahnya tercegat di hadapan pintu.



Oh, ini rupanya helah Nabil! Pura-pura sakit perut. Kenapa berbohong dengan Ibu?

Nabil bukan tidak mahu pergi. Tapi ... Nabil hendak menonton siaran langsung perlawanan bola.

Nabil, kamu tidak sepatutnya berbohong. Untuk menjadi seorang yang berjaya, Nabil harus lebih bijak membuat pilihan. Cuba bayangkan perasaan Datuk, Nenek dan Ibu jika mereka tahu perkara yang telah Nabil lakukan?



Ayah meninggalkan Nabil sendirian di rumah. Ayah akan berbincang dengan Nabil apabila pulang dari rumah Datuk dan Nenek nanti.



Nabil duduk termenung memikirkan kesalahan yang telah dilakukan olehnya.


Apakah yang harus saya lakukan?

Ayah kecewa dengan sikap saya. Tentu Ibu, Datuk dan Nenek juga akan kecil hati.



Glosari

Perkataan	Maksud
sokongan (hlm. 2)	pertolongan
cakar ayam (hlm. 4)	tulisan yang buruk dan sukar difahami
bersatu teguh bercerai roboh (hlm. 5)	bekerjasama akan membawa kejayaan
teruja (hlm. 5)	penuh minat / bersemangat
leka (hlm. 8)	lalai
melungsur (hlm. 8)	mencari maklumat di Internet



Aktiviti Bersama Keluarga


Nama Aktiviti: Perbincangan

Ibu bapa boleh melakukan aktiviti perbincangan bersama anak/waris.

Soalan-soalan rangsangan:




1. Jika kamu ahli keluarga Nabil, apakah perasaan kamu apabila mengetahui Nabil berbohong?
2. Apakah yang akan kamu lakukan jika kamu berdepan dengan dilema seperti Nabil?
3. Jika kamu Nabil, bagaimanakah kamu boleh memperbaiki keadaan?



Coretan Bebas





© 2018 Kementerian Pendidikan Singapura

Hak cipta terpelihara. Tidak dibenarkan mengeluarkan ulang, menyimpan atau menerbitkan semula mana-mana bahagian isi kandungan buku ini dalam apa jua bentuk sama ada secara elektronik, fotokopi, rakaman atau cara lain sebelum mendapat izin bertulis daripada pemilik hak cipta buku ini.

Diterbitkan oleh



Ministry of Education
SINGAPORE



Malay Language Learning
and Promotion Committee

**Kementerian Pendidikan Singapura
dan
Jawatankuasa Pembelajaran dan Penggalakan
Penggunaan Bahasa Melayu**

Illustration and Design by Thoughts Creations
Email: sales@thoughts.com.sg

First published 2018

All rights reserved. No part of this publication may be produced, stored in a retrieval system or transmitted, in any form or by any means, electronic, mechanical, photocopying, recording or otherwise, without prior permission of the copyright owner.

KAKI BOLA
ISBN 978-981-11-6399-9

Printed in Singapore

